

EVALUACIJA CILAP PROJEKTA

14.09.2018 10:55



U prostorijama Federalne uprave za geodetske i imovinsko-pravne poslove je ove sedmice izvršena evaluacija CILAP projekta. Evaluaciju su izvršili predstavnici konsultantske tvrtke NIRAS, jedne od najvećih evropskih konsultantskih grupa za razvoj. Tokom 2017. godine, NIRAS je uspješno realizovao više od 300 zadataka koji se odnose na pomoć u više od 80 zemalja u razvoju.

Evaluacija obuhvaća drugu fazu CILAP projekta u razdoblju od dvije i po godine (april 2016. do septembra 2018. godine). Cilj evaluacije je pružiti Švedskoj Ambasadi informacije i znanja o postignutim rezultatima i učincima CILAP projekta, s obzirom da Ambasada Švedske u Sarajevu finansijski podupire projekt. Predstavnici/koordinatori radnih skupina svih šest komponenti projekta su kroz razgovore i primjere predstavili evaluatorima postignute rezultate i preostale planirane aktivnosti.

Procjena svrsishodnosti i učinkovitosti aktivnosti koje provodi CILAP projekt te procjena održivosti projekta su cilj provedene evaluacije.

S obzirom na pozitivne učinke i rezultate CILAP projekta otpočeli su i razgovori za potencijalni nastavak projekta- treća faza projekta.

